



Synfocity = 497

mail us at : mzsynfo@gmail.com; mizoramsynod@gmail.com - Phone - 2314648

24th July, 2014

❑ Wales tlawha zin lo haw

Synod Moderator Rev. K. Lalhmuchhuaka hova Synod Choir Wales zin chu July 19, 2014 (Inrinni) chhun dar 12:00 khan Lengpui Airport-ah an lo thleng.

July 1, 2014-ah Aizawl chhuahsanin Kolkata an pan a, hetah hian visa leh thil tul dangte an buaipui a. An cham chungin St. Nicholas Church-ah leh Calcutta Mizo Inkhawmah hun an hmang. July 7, 2014-ah India chhuahsanin London an pan a, July 16, 2014-ah UK anrawn chhuahsan leh a ni. Wales-a an cham chung hian rawngbawlna hrang hrangah tum 49 zet an zai a, Presbyterian Church of Wales General Assembly kharnaah an zaiin Llangollen International Musical Eisteddfod-ah an zai baw. Eisteddfod hi Welsh ho Rimawi Kut ropui tak, kum tina khawvel pum huapa zaithiam chi hrang hrangte intawhkhawmna a ni a. Synod Choir hi an telna Open Category-ah 4-na an ni. Zosap la damte leh an tu leh fate nen hun hlimawm tak an hmang thei a, haw lamah UK Mizote nen London-ah hun tha tak an hmang ho baw.

Moderator leh Synod Choir te lo haw hi Lengpui Central KTP Leader Rev. J. Lalremsiama, Gen. Secy. Upa Zonunmawia, Com. member Pu C. Laldingliana, Treasurer (2012 -2014) Upa Zothangzuala Chhangte leh zin ho chung ten an lo hmuak a. Airport tualzawlah CKTP Asst. Leader Pu Samuel Laldingliana an zin hun chung zawnga lo tawngtaisaktute chungah lawmthu a sawi a, Leader Rev. J. Lalremsiama Pathian hnena lawmthu sawi tawngtaina hun a hmang baw. July 20, 2014 (Pathianni) zan khan a hmasa ber atan Bungkawn Kohhran Biak In-ah Lawmthu sawina & Report inkhawm buatsaih a ni a, Team Leader Pu Samuel Laldingliana report a pe a, Synod Choir-in hla 4 an rem. Inkhawm banah Kohhran Committee member-te nen thingpui ina inkawmhona hun an hmang zui baw. Wales zin haw Lawmthu Sawina & Report Inkhawm hi hetiang hian Kohhran hrang hrangah hman chhunzawm zel a ni ang.

July 27, 2014 (Chawhnu) - Bawngkawn Kohhran
 July 27, 2014 (Zan) - Tuikhuahtlang Kohhran
 August 3, 2014 (Chawhnu) - Chanmari Kohhran
 August 3, 2014 (Zan) - Mission Vengthlang Kohhran

❑ Zin

♦ July 25 - 27, 2014 hian North Vanlaiphai Bial huapin Rawngbawltu Seminar neih a ni dawn a, hemi neihpui tur hian Rev. Lalzuithanga, Senior Executive Secretary leh Rev. Lalnuntluanga, Venghluin an kal ang.

♦ July 28 & 29, 2014 hian Synod Transit Accomodation Extension hawng turin Rev. Lalramliana Pachuau, Executive Secretary a kal ang.

♦ July 24 - 26 hian Ramhlun Kohhranah Sakramen Department tan Life Skills Camping neih a ni dawn a, hemi neihpui tur hian Dr. Robert S. Halliday, Superintendent, Synod Office leh Tv. C. Lalremruata, Outreach Worker te an kal ang.

❑ Aluminium Mistiri Training

June 9 - July 23, 2014 chhunga Synod Social Front leh Freddy Enterprise inthuralin an buatsaih Aluminium Mistiri Training vawi 2-na chu tluang taka neih zawh a ni a, training kharna inkhawm hi July 25, 2014 (Zirtawpni) zan dar 7:00-ah Pi Zaii Hall, Synod Conference, Mission Vengah neih a ni ang.

Kharna inkhawm hi Rev. P.C. Pachhunga, Executive Secretary in a kaihrui ang a, Upa H. Lalhmingmawia, Social Front Coordinator-in Inhmelhriattirna neiin Reports a pe ang a, Synod Moderator Rev. K. Lalhmuchhuakan Certificate hlanin thusawina hun a hmang baw ang. Dr. Shirley L. Ralte a zai ang a, trainee aiawhin Pu Lalrintluangan thu a sawi ang a, PWD Official, Upa Lalthangliana Varte, Eco. Cell Commt. Member leh Freddy Enterprise hotute hnen atangin thusawi ngaihthlak a ni baw ang.

Training nei tur hian mi 20 thlan an ni a, Freddy Enterprise Building, Leitan-ah training hi an nei a ni. Training tan a nih atanga kar khat chung chu theory-a inzirtirna hun atan hman a ni a, measurement lak dan leh thil dang pawimawh te zirtir an ni. Chawlhkar nhinna atangin tukverh frame siam hna an tan nghal a. July 7, 2014 atang khan an thil siam chhuahte a nihna turah an fit tan a ni.

❑ Masihi Sangati Kendra Thawktute Retreat

July 22 - 25, 2014 chhung hian Chanmari Kohhran Hall-ah Masihi Sangati Kendra thawktute Retreat neih mek a ni a, Speaker atan Upa Dengahmingthanga, Kulikawn leh Tawng lettun atan Rev. R. Lalthangvunga an hmang. Retreat-ah hian thawktu mi 164 lai an tel thei a ni.

Retreat-ah hian Chawhma, Chawhnu leh Zannah inkhawm neih thin a ni a, Zing karah Devotion leh Zan Inkhawm banah Fellowship neih thin a ni baw. Inkhawm aping hian Speaker hnen atangin thuchah ngaihthlak thin a ni a, Siyon Swaram, Aizawl West Area Standing Choir, Aizawl S/W Area Zaipawl, Mission Veng Masihi Sangati leh Chawnpui Bial Masihi Sangati Zaipawlte an zai baw. July 25, 2014 (Zirtawpni) chawhnuah General Discussion neih a ni ang a, zan inkhawmah Rev. P.C. Pachhunga, Executive Secretary i/c Mission hnen atangin Pathian thuchah ngaihthlak a ni ang.

❑ Music

July 26, 2014 (Inrinni) hian Melriat Kohhranah Zai hruai leh Khuang vuak training neih a ni dawn a, hemi neihpui tur hian Pu Lalromawia, Senior Music Instructor a kal ang.

❑ MSSU

♦ July 26 & 27, 2014 hian Thingdawl Bial huapin Thingdawl Kohhranah Sunday School Zirtutu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator leh Upa Lalhmachhuana, Tuikual North (MSSU Trainer) te an kal ang.

♦ July 26 & 27, 2014 hian Kawnpui Chhim Veng Kohhranah Sunday School Zirtutu Training neih a ni dawn a, hemi neihpui tur hian Upa B. Lalhmunliana, Bethlehem Venglai leh Pu Ramthansanga Khiangte, Republic Veng (MSSU Trainers) te an kal ang.

- ❑ **Presbyterian English School**
Vawiin (July 24, 2014) chawhnu hian Upa D.P. Biakkhuma, Supervisor of Schools chuan Presbyterian English School, Zemabawk North a tlawh ang a, naktuk (July 25, 2014) chawhnuah Presbyterian English School, Ramthar Veng a tlawh leh ang a, July 28, 2014 (Thawhtanni) chawhnuah Presbyterian English School, Durtlang a tlawh leh ang.
- ❑ **Synod Hospital**
Doctor thar : Synod Hospital-ah Doctor thar pahnih neih a ni. Doctor tharte chu :-
1) Dr. Ruth Lalmuanpuii, MBBS, D/o R. Vanlalruata, Kulikawn chuan May 1, 2014 khan a hna a zawm thar.
2) Dr. Joseph Lalhmachhuana, MBBS, MD (Medicine), S/o S.K. Thanga, Bawngkawn chuan July 21, 2014 atangin a hna a zawm thar.
Blood Component Separator hmang tan : Synod 2011, Gen. 2-in a rel 'Blood Component Separator neih ni se' a tih chu chak tak bawhzui a ni a, July 1, 2014 atangin hman theiha peih a ni a. Pathian hnena hlanna hun hi remchang hmasaah neih tum a ni.
- ❑ **Synod Mission Board**
 - ♦ July 19 & 20, 2014 khan Vanzau Bial chung khaw 5 ah Ramthar Campaign neih a ni a, Vanzauah hian Rev. Remlalfaka, Bungzungah Rev. Vanlalbela, Leithumah Rev. C. Chawngliana, Dungtlangah Rev. Lalthankhuma, Zawngteluiaha Upa Vanlalngaia leh Tv. Rintluanga, Soloist te an kal.
 - ♦ July 25 & 26, 2014 hian Interserve Governing Body Meeting leh Annual General Body Meeting, Pune-a tel turin Rev. Lalchuanmawia, Secretary, Synod Mission Board a kal.
- ❑ **Kristian Thalai Pawl**
 - ♦ Zanin (July 24, 2014) hian Leadership Training neihpuiin General Secretary Upa Zonunmawia leh Pu C. Laldingliana (Com. member) te Salem Branch KTP-ah an kal ang.
 - ♦ Vawiin (July 24, 2014) hian Kristio Subho Songho Leadership Training neihpui turin Fin. Secretary Tv. R. Lalramnghaka leh Pu P.C. Biakmuanpuia (Com. member) te Karimganj-ah an kal.
 - ♦ July 29, 2014 (Thawhlehi) hian Bawngkawn Branch Leadership Training neihpuiin Asst. Leader Pu Samuel Laldingliana leh Pu R. Lalruatkima (Com. member) te an kal ang.
 - ♦ Central KTP Committee chu July 31, 2014 (Ningani) chawhnu dar 3:00 ah Synod Committee Room No. 2-ah an thukhawm ang.
- ❑ **Synod Bookroom**
July 26 & 27, 2014 hian Champhai Vengthlang Bial KTP ten Literature Campaign an hmang dawn a, hemi hmanpui tur hian Synod Bookroom Headquarters atangin Pu Lalniliana, Synod Bookroom Manager; T.Upa Lalzarmawia, Sales Promoter leh Ni. Zoremawii Ralte, Soloist te an kal ang. He campaign pual hian lehkhabu leh thil dangte 10% discount a pho chhuah a ni ang. He mi chung hian Bial chung Kohhran hrang hrangah hun an hmang bawng ang.
- ❑ **Hruaina Eng FM Radio & TV Programme**
 - ♦ **JULY 25 (FM Zoawi Aizawl @ 7:30 p.m.)** :
Solo : Ruth Malsawmdawngliani Bawihlung - Chhandam kan ni ta, **Choir** : Bethlehem Kohhran Zaipawl - Kan Pathian Kulhpui Nghet, **Thuchah** : Rev K. Lalpiangthara - Lal Isua lokal lehna, **Solo** : Vanlalsailova - Ka hawisan phal tawh lawng, **Choir** : Besy Choir - Min kalsan ngai si lo, **Solo** : Ruatdiki - Enna nunnem
 - ♦ **JULY 25 (FM Lunglei @ 7:30 p.m.)** :
Solo : Ruth Malsawmdawngliani Bawihlung - Chhandam kan ni ta, **Choir** : Bethlehem Kohhran Zaipawl - Kan Pathian Kulhpui Nghet, **Thuchah** : Rev K. Lalpiangthara - Lal Isua lokal lehna, **Solo** : Vanlalsailova - Ka hawisan phal tawh lawng, **Choir** : Besy Choir - Min kalsan ngai si lo, **Solo** : Ruatdiki - Enna nunnem
 - ♦ **JULY 27 (TV Programme @ 3:00 p.m.)** :
Zaipawl : Mizoram Synod Choir @ Wales, **Sermon** : Rev V.L. Krawschuanmawia - Ka khawngaihna i tan a tawk, **Tleirawl Pual** : Youth Ministry, Chanmari Kohhran
- ❑ **Susamachar Prasaran Programme**
JULY 27 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Mission Veng Masihi Sangati - Jisu Daken, **Group/Choir/Solo** : Khatla Masihi Sangati - Ishu Tera Wada, **Sermon** : Rev.Vanlalbela - Parmesuar ka vachan zivit hai, **Group/Choir/Solo** : Bungkawn Masihi Sangati - Pyar ka sangar, **Group/Choir/Solo** : H. Vanlalringa - Kabhi Khudhko
- ❑ **Synod Moderator Programme**
Synod Moderator Rev. K. Lalhmuchhuaka chuan hetiang hian hun a hmang ang :
July 27, 2014 (Pathianni) Chawhma : Ramhlun Venglai Kohhran
July 27, 2014 (Pathianni) Chawhnu : Ramthar Tlang Veng Kohhran
July 27, 2014 (Pathianni) Zan : Tuikhuahtlang Kohhran

HRIATTIRNA

Synod Hospital, Durtlang chuan GNM zir tur a la dawn a, Prospectus/Application Form chu **August 1 - 23, 2014** chungin a hnuacia hmun tarlanah te hian dar 9:00 am - 4:00 pm chungin lei theih a ni e. Application form hi mahni ngeiin Principal Office-ah thehluh tur a ni ang.

- 1) **Principal Office, School of Nursing, Synod Hospital, Durtlang**
- 2) **Fraser's Clinic, Mission Veng**

Prospectus/Application Form man - Rs. 100/-

- Dil thei chin** :
1. 10+2 emaw a tlukpui emaw pass, 45% mark hmu chin.
 2. Nupui/Pasal la nei lo, kum 17-35 inkar.